

FOND ZA MLADE

O D L U K A

o finansijskoj podršci omladinskim organizacijama i neformalnom grupama mladih

U okviru projekta "Naša zajednica je naša odgovornost", kojeg Fondacija tuzlanske zajednice provodi u partnerstvu sa USAID-om kroz program „Snaga lokalnog“, 28.02.2022. objavljen je poziv za podršku projektima omladinskih organizacija i neformalnih grupa mladih (Broj 2 – FM – 1/2022; protokol broj: 86/22) na koji je do 30.03.2022. (roka predviđenog za prijem aplikacija) na adresu Fondacije tuzlanske zajednice pristiglo ukupno 23 aplikacije.

REZIMEI PODRŽANIH PROJEKATA

Klub mladih Crvenog križa grada Lukavac LUX

Osnaživanje mladih kroz edukativne radionice

Crveni križ/krst grada Lukavac uspješno djeluje od 1919.godine zahvaljujući svojim vrijednim volonterima koji pomažu ugroženima prateći osnovne principe rada. Kako bi mladima imali više prilika, odlučili su im pružiti priliku za učenje iz njihovog dugogodišnjeg iskustva. U saradnji sa drugim organizacijama iz nevladinog sektora kao i mnogim javnim ustanova svoga grada organizovat će ciklus radionica koje bi trebale pružiti znanje za više od 200 mladih osoba. "Kako pružiti prvu pomoć, Šta je volontiranje, Kako komunicirati?", samo su neke od radionica na kojima će mladi imati priliku prisustvovati i usvojiti znanje. Osim primarnog cilja što je pružanje znanja, njihov cilj je i aktiviranje mladih u svojoj zajednici, te tako podizanje kvalitete neformalnog obrazovanja na potpuno novi nivo.

Srce za teren

Neformalna grupa Klub mladih Podgajevi je omladinska grupa koja okuplja više od 40 mladih na području istoimene mjesne zajednice. Njihovu zajednicu uvijek je krasila želja za sportom, ali i posvećenost mladima što je posljednjih godina naišlo na prepreku zbog zapuštenosti poligona, koji je bio sinonim za mlade iz Podgajeva. Projektom "Srce na teren" ova grupa želi oživiti želju za sportom u svojoj mjesnoj zajednici pružanjem boljih uslova i vraćanjem starog sjaja poligonu. Turnir koji bi organizovali zaokružio jednu prelijepu sportsku priču u ovoj mjesnoj zajednici. Mladi vjeruju kako je ovo ključna stavka u borbi za poboljšanje njihove zajednice.

Neformalna grupa Mladi iz Priluka

Uređenje poligona za rekreaciju



Neformalna grupa Mladi iz Priluka kao takva postoji već 10 godina i okuplja mlade željne promjene i poboljšanja. Njihova mjesna zajednica posjeduje poligon star više od 15 godina koji je kroz svoje godine postojanja okupljao mještane i pružao im prostor za rekreaciju, ali i druženja. Posljednjih godina uvidjeli su kako su godine druženja i sporta ostavile trag na poligonu, te isti žele obnoviti kako bi i budući naraštaji uživali u raznoraznim sportovima. Vjeruju u mještane svoje zajednice i u njihovu neumornu pomoć pri realizaciji cijelog projekta, a planirani malonogometni turnir bio bi još jedan razlog zašto se priključiti ovoj grupi.

NG Omladinska banka Doboj Istok

Slatko, slano i digitalno

Neformalna grupa Omladinska banka Doboj Istok zajedno sa svojim partnerima ove godine želi povezati i razmijeniti znanje između mladih i žena. Mladi će ženama pružiti potrebnu edukaciju u oblasti informatičke pismenosti što će obuhvatiti osnovno ali i ono naprednije znanje o samim računarima, internetu i ostalim benefitima koje nam je donijelo razviće moderne tehnologije. Mladi će imati priliku od žena da nauče mnogo o tradicioalnim jelima, načinima njihove pripreme ali će učiti i o starim tehnikama pletenja i šivenja. Ovim projektom biti će pružene prilike za učenje, ali će i postojati neoborivi dokaz kako stanovnici ovoga grada mogu izvlačiti najbolje iz sebe samo kada zajedno nesebično surađuju.

Tuzlanski otvoreni centar

2

Sve naše boje

Tuzlanski otvoreni centar je nevladina organizacija koja djeluje na području TK i čija je misija da kroz kontinuirano aktivističko djelovanje na feminističkim principima promovira ljudska prava LGBTI osoba i rodnu ravnopravnost u javnom životu. Mladi iz Tuzlanskog otvorenog centra smatraju kako borba za prava LGBTI podrazumijeva stvaranje preduslova za učešće članova ove zajednice u svim sektorima našeg društva. Upravo iz toga razloga organizovati će radionice čiji direktni korisnici će biti LGBTI osobe, a koje će objediniti mnoge teme koje se tiču svih nas u zajednici među kojima su aktivizam, mentalno zdravlje, komunikacija i druge. Ovim projektom napraviti će veliki korak ka uključivanju ovih mladih u savremeni politički, društveni i obrazovni sistem naše države.

Omladinski pokret REVOLT

Kultura kroz aktivizam mladih

REVOLT je omladinski pokret, osnovan 2005. godine, koji okuplja i organizuje mlade ljude u borbi protiv nepravde, siromaštva, nasilja, korupcije, diskriminacije, neodgovornih političara/ki i negativnih autoriteta. Grad koji odiše kulturom i umjetnošću, bogatom historijom i značajnim umjetnicima žele nastojati promovisati upravo takve vrijednosti, a REVOLT će stanovnicima Tuzle upravo pružiti te prave vrijednosti na pladnju. U saradnji sa ljudima kompetentnim iz svojih sfera djelovanja žele pružiti mladima edukacije i prostor za izražavanje svoje kreativne i aktivističke strane. Fotografija, film, muzika, samo su neki od



formata kroz koje se mladi imaju priliku izraziti, a ovim projektom i dobiti medijski prostor. Realizacijom ovog projekta vjeruju kako će dati do znanja svim mladima da se njihovo viđenje raznih situacija itekako vrednuje.

Udruženje klub ekstremnih sportova KES "SALT"

SALT OPEN SEŠ (SOS)

Formalna organizacija Klub ekstremnih sportova "SALT", iako postoji tek nešto duže od godinu dana, već bilježi zapažane rezultate na području grada Tuzle, ali i šire. Žele organizovati prvo Skateboarding takmičenje koje će imati i svoju kulturnu stranu kroz izvođenje raznih tačkih muzičkih kreatora te kroz izložbe raznih radova, od onih grafitnih do onih nastalih kroz objektiv fotoaparata. U samoj realizaciji učestvovat će veliki broj partnera, kako onih iz naše zemlje tako i inostranih, a u skladu s time će i cijela trodnevna manifestacija biti medijski ispraćena. Ovime žele stvoriti tradiciju te doprinijeti promociji ovog sporta ali i ohrabriti mlade u njihovoj želji za ovim i drugim ekstremnim sportovima. Publika će imati priliku upoznati se sa potpuno novim oblikom manifestacija u našoj državi zahvaljujući upornosti mladih iz KES "SALT".

Udruženje KULT

Ispod Zmajeva krila

Udruženje mladih KULT želi unaprijediti politički i društveni položaj mladih te im pružiti adekvatno znanje koje će im poslužiti u budućnosti u borbi za afirmaciju sebe kao pojedinaca ili grupe. Ako kultura i umjetnost čine jedan grad posebnim, onda je cilj ovog projekta Gradačac učiniti upravo poznatim po tome. Kroz ankete su primijetili kako su građani zainteresovani za nove predstave i načine prenošenja tradicije i znanja. Edukacijom, poticanjem i uključivanjem mladih u direktan proces kreiranja predstava žele dati primjer u svojoj i drugim zajednicama kako se kreativnost, talenat i upornost isplate. Predstavu koju kreiraju mladi zajedno sa iskusnijim članovima iz sfere kulture i umjetnosti doprinijet će ne samo razvijanju svijesti o važnosti kulture, nego i turizmu grada.

Omladinski resursni centar Tuzla

Pretvorimo nejednakost u jednakost

Omladinski Resursni Centar (ORC) Tuzla nastao je kao rezultat potreba i istraživanja mladih. Centar kao takav pomaže u radu omladinskim organizacijama i pojedincima, posebno onima koji djeluju u manjim i "zatvorenim" lokalnim zajednicama u Bosni i Hercegovini. Cilj njihovog projekta je uključivanje romskih manjina u savremeni svijet kroz radionice koje bi pokrivala razna polja djelovanja mladih. Time će doprinijeti smanjenju nejednakosti koja i dalje vlada u našim zajednicama i pokazati da možemo biti jednaki u ekonomskim, socijalnim, kulturnim i zdravstvenim poljima života.

NG Tim mladih CK Kalesija

ZaVolontiraj



Neformalna grupa Tim mladih CK Kalesija smatra kako njihova zajednica ima velikog potencijala na polju nevladinog sektora te u skladu s tim smatraju kako je potrebno organizovati aktivnosti koje će ojačati postojeće i prizvati nove volontere i aktiviste. Kroz četverodnevni kamp okupit će mlade kojima će predstaviti volontiranje u najljepšem mogućem svjetlu te im isto prikazati kao zdravi način života. Mladi osnaženi kroz ovaj kamp provest će uličnu akciju koja će dodatno doprijeti već pomenutim ciljevima. Realizacijom ovog projekta vjeruju kako će riješiti problem neupoznanosti mladih sa sferom nevladinog djelovanja.

Udruženje Mladi Tuzle, Tuzla

Volonterski pokret - Mladi i renesansa

Udruženje Mladi Tuzle koje djeluje još od 2003. godine radi na poboljšanju uslova života djece i mladih ljudi neovisno od njihove rasne, nacionalne, vjerske, socijalne i bilo koje druge kategorije pripadnosti. Primijetili su kako mladima posljednjih godina opada interesovanje za volontiranjem, a oni kroz ovaj projekat žele to promijeniti. Obilježavanjem Međunarodnog dana mladih početak će ciklus radionica koje će osnažiti mlade i pružiti im znanje iz oblasti među kojima su samo neka od njih Zakon o mladima FBiH, timski rad, poslovna komunikacija i druga. Mladi će imati priliku svoje znanje primijeniti kroz aktivnosti usmjerene ka akreditaciji ovog udruženja te organizaciji sajma gdje će se nevladine organizacije iz Tuzle imati priliku predstaviti.